

3. fundur skólanefndar vegna Undralands árið 2017, haldinn 23. maí 2017 í leikskólanum kl. 14:30. 16. fundur kjörtímabilsins 2014 – 2018.

Mætt til fundar: Bjarney Vignisdóttir, formaður sem ritaði fundargerð, Jón Bjarnason, Vigdís Furuseð, Ingibjörg Bjarney Baldursdóttir, leikskólastjóri, Freyja Þorkeldsdóttir, fulltrúi starfsfólks og Fríður Sæmundsdóttir, fulltrúi foreldraráðs.

Dagskrá

- 1. Skýrsla leikskólastjóra**
- 2. Rekstur leikskólans**
- 3. Skóladagatal 2017-2018**
- 4. Opnunartími leikskólans**
- 5. Niðurstöður foreldrakönnunar**
- 6. Önnur mál**

Formaður setti fundinn og bauð viðstadda velkomna

Gengið var til dagskrár

1. Skýrsla leikskólastjóra

Niðurstöður úr foreldrakönnun komu í hús 7. apríl, stjórnendur og starfsfólk getur vel við unað. Við erum byrjuð að vinna úr þeim þáttum sem ekki var ánægja með en okkur fannst það vera smáatriði í stóra samhenginu.

Tíminn flýgur og nú stýttist í sumarfrí. Sjö börn fara í Flúðaskóla í haust en umsóknir um vist eru nokkrar og ég geri ráð fyrir sama barnafjölda í ágúst og er núna og síðan á ég von á að bætist við í vetur.

Litlar breytingar verða í starfsmannahópnum. Elín ætlar að helga sig garðyrkjunni en ég get hringt í hana ef vantar í afleysingar. Katrín Þorvaldsdóttir byrjar hjá okkur í ágúst, hún er með leik- og grunnskólakennara réttindi og við hlökkum til að fá hana í hópinn. Hún verður deildarstjóri á Heiðarkoti. Arnheiður S. Þorvaldsdóttir mun líka bætast í hópinn í haust. Ég réð ekki inn fyrir Elmu þegar hún fór í fæðingarorlof og það hefur sloppið fyrir horn að hafa færri á Móakoti en það gengur ekki í haust.

Ég horfi til samsetningar barnahópsins þegar ég ræð fólk og það verður að segjast eins og er að hér eru einstaklingar sem þurfa manninn með sér. Nokkur börn eru í ferli hjá sálfræðing og talmeinafræðing og við gerum það sem við getum til að aðstoða þessi börn. En til þess að

Það sé mögulegt er mikilvægt að hafa nóg af starfsfólki. Alltaf er eitthvað um forföll og ekki gott ef alltaf er undirmönnun, það sleppur dag og dag. Eins og reynslan sýnir gefst fólk upp og fer ef álagið er of mikið.

Hér á leikskólanum vinnur frábært fólk sem er samstíga þegar þarf að leysa vandamál eins og gerist t.d. þegar forföll eru mikil. Starfið er faglegt og ræðst það líka af því að gefinn er tími til að undirbúa starfið og ræða saman.

Í hverri viku funda allar deildir og ræða starfið, einnig funda stjórnendur einu sinni í viku og skipuleggja starfið. Einu sinni í mánuði, að jafnaði, eru svo starfsmannafundir þar sem allir hittast og ræða starfið.

Næsta vor er stefnan sett á námsferð til Brighton. Skipulag er komið vel á veg og nánast allir ætla með. Við ætlum að skoða leikskóla sem vinna eftir Reggio stefnunni og einnig ætlum við að skoða útikennslu. Nú vonum við bara að skólanefnd samþykki skóladagatal svo þessi ferð geti orðið að veruleika.

Í apríl fór starfsfólk í heilsufarskönnun og sýnist mér að niðurstöður þeirrar könnunar séu hvatning til sveitarstjórnar til að hvetja starfsfólk sveitarfélagsins til heilsueflingar og eru ýmsar leiðir færar til þess.

Foreldraviðtöl voru í apríl og voru foreldrar ánægðir með starfið.

Einn starfsmaður er á námskeiði til að fá réttindi til að nota TRAS skráningarkerfið en það er notað til að skrá málþroska ungra barna. Nokkrir starfsmenn eru með þessi réttindi og gott að geta notað þetta í starfi á öllum deildum.

Við tilnefndum foreldrafélagið til verðlauna hjá Heimili og skóla og fór formaður félagsins á verðlaunaafhendinguna. Ekki fékk félagið verðlaunin að þessu sinni en við höldum áfram að kynna þetta frábæra félag okkar.

Ég og Freyja sátum námsstefnu í Reykjavík á vegum Menntavísindasviðs HÍ. Námsstefnan bar yfirskriftina „Hvernig menntun þurfa 5 ára börn?“ Þetta var áhugaverð ráðstefna og við fengum staðfest að samstarf leik- og grunnskóla hér í Hrunamannahreppi er í mjög góðum farvegi.

Ýmislegt er framundan hjá okkur fram að sumarfríi.

Vorskólinn verður 22.-24. maí en þá fara elstu nemendur leikskólans í Flúðaskóla. Þau fara í verkefnatíma hjá Fríði, í sund hjá Árna og svo fara þau í skóginn. Á vordeginum eru síðan fyrstu bekkingar hér í heimsókn.

Við ætlum að kíkja á sauðburð í Hruna, vordagur verður haldinn hér í leikskólanum 24. maí, þá gerum við okkur glaðan dag og opnum sýningu á verkum barnanna.

Við stefnum á að fara á Miðfellið og svo er útskriftarferð hjá elstu börnunum.

Ég geri ráð fyrir að sitja einn leikskólastjóra fund á vegum Skólalþjónustunnar, búið er að boða fund leikskólastjóra á Suðurlandi og síðan er námsstefna á vegum leikskólastjórafélagsins fyrirhuguð á Borg í Grímsnesi í júní.

2. Rekstur leikskólans

Farið var yfir helstu tölur í rekstri skólans það sem af er ári. Reksturinn er á áætlun.

3. Skóladagatal 2017-2018

Leikskólastjóri fór yfir dagatal leikskólans fyrir næsta starfsár, 2017-2018. Rætt um og farið yfir einstaka liði þess. Skólanefnd samþykkir dagatalið.

4. Opnunartími leikskólans

Lagt fram bréf frá foreldrum barna í leikskólanum þar sem kom fram ósk þeirra um að lengja opnunartíma leikskólans til klukkan 17 á daginn. Stjórnendateymi leikskólans lagði fram greinargerð þar þeir bentu á sveigjanleikann sem nú þegar er til staðar í leikskólanum og einnig kemur þar fram að enginn starfsmaður sé tilbúinn til að breyta vinnutíma sínum til klukkan 17:00. Skólanefnd telur að af þessu yrði talsverður auka kostnaður og auk þess verði erfitt að manna þennan klukkutíma. Í leikskólanum hefur starfsandi ekki verið upp á sitt besta síðustu ár en nú í vetur hefur hann verið mjög góður sbr. starfsmannakönnun sem gerð var í febrúar. Telur skólanefnd því að þessar breytingar gætu valdið auka álagi og óróleika í starfsmannahópnum. Því leggur skólanefnd til að ekki verði fallist á þessa kröfu að svo stöddu.

5. Niðurstöður foreldrakönnunar

Kynntar voru niðurstöður foreldrakönnunar sem gerð var í mars. Skólanefnd lýsir yfir ánægju með skýrsluna og niðurstöður hennar. Niðurstöður skýrslunnar eru jákvæðar miðað við langflesta mælivísa og sýna jákvæða þróun hjá flestum mælivísunum. Skólanefnd felur leikskólastjóra að vinna úr málinu í samræmi við niðurstöður skýrslunnar.

6. Önnur mál

a) Vistun 12 mánaða barna, umsóknir um undanþágur. Leikskólastjóri lagði fram 1 umsókn um undanþágu sbr. 6 gr. vistunarreglna leikskólans. Skólanefnd samþykkir umsóknina.

Fleira ekki gert. Fundargerð lesin yfir og samþykkt.

Fundi slitið kl: 15:45